

NICOLAUS COMES IN HOLSTEIN.



**N**icolaus ex illustrissima familia comitum de Holstein genitus, post patris obitum rebus præficitur. Erat is multis uirtutibus belli & pacis tempore conspicuus, ita ut apud principes Germania in magna authoritate esset, Anno post natum Christum millesimo ducentesimo septuagesimo. In primis uerò pietati operam dedit, atq; religionem promouere studuit. Itaq; cum uideret aliquos principum suis equis et canibus subditis molestos esse, eos amicè officij admonuit, atq; ad uirtutes incitauit. Inter alios ignauos homines in primis odio prosequabatur sycophantos eos, qui morionum instar principum aulas frequentarent,

atque suo otio alijs hominibus molesti essent. præterea Musicos & cantatores procul à se arcebat, atq; ad labores relegabat. Erga pauperes uerò erat mitis & liberalis.